

**PEMBERITAHUAN PERTANYAAN LISAN**  
**DEWAN RAKYAT MESYUARAT KETIGA, PENGGAL KELIMA**  
**PARLIMEN YANG KE-13**

**PERTANYAAN :** LISAN

**DARIPADA :** DATO' SERI HAJI ABDUL HADI BIN AWANG [MARANG]

**TARIKH :** 31 OKTOBER 2017 (SELASA)

**NO. SOALAN :** 26

**SOALAN :** Minta PERDANA MENTERI menyatakan apakah langkah Kerajaan untuk membangunkan Malaysia Timur dan menunaikan hak kebijakan kepada rakyat Sabah dan Sarawak supaya dapat meredakan ketegangan hubungan, mencapai jaminan keharmonian, keamanan dan keselamatan negara serta mengelakkan kemasukan campur tangan asing.

**JAWAPAN :**

Tuan Yang Di-Pertua,

Jabatan Perpaduan Negara dan Integrasi Nasional (JPNIN) telah mengambil langkah mengutamakan Sabah, Sarawak dan WP Labuan dalam pembangunan arus perdana melalui usaha memperkemas, mempererat serta memperkuatkan Integrasi Nasional antara penduduk Semenanjung dengan Malaysia Timur. Langkah ini terus diberikan keutamaan sebagai pendekatan untuk menjayakan beberapa inisiatif penyatuan nasional melalui Program Integrasi Komuniti yang

merupakan platform terbaik untuk mempercepatkan proses integrasi antara wilayah bagi memupuk dan menerapkan semangat persefahaman, muhibah dan persaudaraan antara masyarakat Malaysia. Antara aktiviti-aktiviti yang dijalankan adalah Kursus Orientasi bagi pegawai kerajaan, Lawatan Integrasi, *Homestay Integrasi* dan program Silang Budaya yang melibatkan para pemimpin masyarakat, golongan belia dan pelajar dari Sabah, Sarawak dan Semenanjung.

Selain itu, JPNIN juga telah mengambil pendekatan baru untuk mensejahterakan masyarakat di Sabah, Sarawak dan WP Labuan melalui inisiatif integrasi nasional merentasi sosio-ekonomi dan budaya. Inisiatif ini menjurus kepada pembangunan ekonomi penduduk setempat melalui Rukun Tetangga yang dikenali sebagai Program Ekonomi Rukun Tetangga. Program ini adalah amat selari dengan halatuju Rancangan Malaysia ke-11 untuk meningkatkan kesejahteraan masyarakat. Melalui pelbagai kaedah pengisian aktiviti seperti motivasi, bimbingan keusahawanan, latihan kemahiran teknikal/vokasional, silang budaya dan jaringan ekonomi, program ini berupaya menjadi platform integrasi sosial kepada masyarakat berbilang kaum di negara ini.

Program Ekonomi Rukun Tetangga juga merupakan contoh terbaik dalam usaha mempercepatkan proses integrasi sosial kerana keberhasilannya mempunyai serampang dua mata iaitu pembangunan ekonomi dalam komuniti dan meningkatkan pemahaman budaya, adat resam, agama dan sensitiviti rakan kaum lain. Penjanaan ekonomi keluarga disertai dengan hubungan kejiranan yang erat serta sensitif dengan keperluan rakan kaum lain akan melahirkan satu masyarakat bertoleransi dan bertimbangrasa agar dapat menikmati kehidupan yang

44

lebih sejahtera dan harmoni. Ini secara langsung akan memperkuatkan lagi peranan dan jati diri masyarakat di peringkat akar umbi terhadap penyatuan nasional demi mewujudkan negara yang sejahtera, harmoni dan selamat dari ancaman dan gangguan anasir-anasir jahat yang cuba menimbulkan ketegangan dan konflik di dalam negara ini.

Dalam masa yang sama, sebagai menunaikan hak kebajikan kepada masyarakat Malaysia Timur, Kerajaan juga tidak meminggirkan penduduk di pedalaman Sabah dan Sarawak. Pembangunan lebuhraya Pan Borneo dan jambatan-jambatan bagi memudahkan perjalanan darat serta pembinaan dan penambahbaikan lapangan terbang yang menjadi penghubung antara rakyat Sabah, Sarawak dan Semenanjung. Semua usaha pembangunan ini memberi kesan yang positif dan impak besar kepada penjanaan ekonomi penduduk tempatan kerana kemudahan pengangkutan amat penting dalam memasarkan produk-produk ekonomi komuniti setempat.

Di samping itu, banyak program yang sedang dan akan terus dilaksanakan secara bersepadu dan terancang dengan beberapa kementerian dan agensi kerajaan lain untuk menggalakkan interaksi dan memupuk integrasi nasional secara langsung dan tidak langsung serta menggalakkan interaksi dan memupuk integrasi nasional. Antaranya adalah penempatan pelajar-pelajar dari dua wilayah dalam institusi-institusi pengajian tinggi, program pendidikan guru, latihan kemahiran, Program Latihan Khidmat Negara, program pembangunan belia dan sukan, program seni budaya serta sambutan Majlis Rumah Terbuka Malaysia yang telah dijadikan program nasional sempena sambutan

Aidilfitri, Tahun Baru Cina, Hari Deepavali, Gawai Dayak, Tadau Kaamatan dan sambutan Hari Krismas. Mobiliti pekerjaan antara dua wilayah juga telah dan akan terus diperkembangkan. Di samping itu, pewujudan dan penambahan penerbangan-penerbangan kos rendah (*low-cost carriers*) telah juga memudahkan perjalanan dan membantu penduduk Semenanjung, Sabah, Sarawak dan WP Labuan berinteraksi dan saling mengunjungi antara satu sama lain bagi merapatkan lagi hubungan integrasi dan mengelakkan ketegangan hubungan.

Sekian, terima kasih.

**Bahagian KSIN**  
Jabatan Perpaduan Negara dan Integrasi Nasional  
Jabatan Perdana Menteri

SULIT

**PEMBERITAHUAN PERTANYAAN DEWAN RAKYAT  
MESYUARAT KETIGA, PENGGAL KELIMA,  
PARLIMEN KETIGA BELAS**

---

**PERTANYAAN : LISAN**

**DARIPADA : DATUK SAPAWI BIN AHMAD WASALI  
[SIPITANG - BN]**

**TARIKH : 31 OKTOBER 2017 ( SELASA )**

**SOALAN NO.27**

Minta **MENTERI BELIA DAN SUKAN** menyatakan ‘rahsia dan ramuan resepi’ yang membolehkan Malaysia mencatat sejarah menjuarai Sukan SEA ke-29 Kuala Lumpur dengan kutipan luar jangka 145 pingat emas.

**SULIT****JAWAPAN**

Yang di-Pertua,

1. Untuk makluman Ahli Yang Berhormat, pelbagai usaha telah dijalankan dan akhirnya Kuala Lumpur 2017 telah mencatat sejarah Malaysia menjadi juara keseluruhan pada Temasya Sukan SEA kali ke 29 menewaskan pencabar terdekat iaitu Negara Thailand dengan jurang pingat sebanyak 73 pingat emas. Malaysia telah berjaya memenangi 145 pingat emas, 92 pingat perak dan 86 pingat gangsa. Jumlah keseluruhan pingat yang dimenangi adalah 323 pingat. Ini juga merupakan pencapaian terbaik Kontinjen Negara sepanjang penyertaan di Temasya Sukan SEA.
2. Apa yang boleh dikatakan sebagai rahsia kejayaan ini adalah kerjasama semua pihak iaitu Kementerian Belia dan Sukan (KBS), Majlis Olimpik Malaysia (MOM), Persatuan Sukan Kebangsaan (PSK) dan negeri yang telah terlibat dari segi persediaan atlet bermula dari tahun 2015.
3. Pelaksanaan Program Kita Juara telah dimulakan sejak September 2015 sebagai usaha kementerian untuk menyediakan program latihan atlet secara lebih tersusun dengan kerjasama Persatuan Sukan Kebangsaan (PSK) melalui konsep *empowerment*. Sebanyak tiga fasa latihan telah diberikan kepada atlet-atlet Kita Juara dan sasaran setiap sukan telah ditetapkan lebih awal bagi memastikan semua sukan mengikut perancangan yang telah dibuat.

**SULIT**

4. Hasil daripada program-program jangka panjang yang telah dilaksanakan juga, kita telah menghasilkan atlet-atlet yang mempunyai prestasi yang sangat baik seperti **Muhammad Irfan Shamsuddin, Nauraj Singh, Jackie Wong** (acara Olahraga), **pasukan Boling Wanita, Pasukan Memanah Lelaki** dan ramai lagi.
5. Pelaburan yang berterusan oleh Kerajaan juga dilihat menjadi sebab pencapaian yang cemerlang oleh kontingen Negara. Pelaburan tersebut telah dapat meningkatkan aspek latihan dan sokongan khususnya dari segi sains sukan kepada para atlet bagi meningkatkan lagi prestasi mereka.
6. Namun yang demikian, ramuan utama bagi kejayaan ini sudah pastilah sokongan padu yang diberikan oleh seluruh rakyat Malaysia di semua peringkat masyarakat yang tidak putus-putus memberikan sokongan. Ini merupakan pembakar semangat yang mendorong para atlet untuk memberikan yang terbaik untuk seluruh rakyat dan negara tercinta Malaysia.

Sekian, terima kasih.

49

**Soalan ( 28 )**

**PEMBERITAHUAN PERTANYAAN  
DEWAN RAKYAT, MALAYSIA**

**PERTANYAAN : LISAN**

**TARIKH : 31 OKTOBER 2017  
[ SELASA ]**

**DARIPADA : YB DATUK LIANG TECK MENG  
[SIMPANG RENGGAM]**

**SOALAN :-**

**YB DATUK LIANG TECK MENG [SIMPANG RENGGAM] minta  
MENTERI KESEJAHTERAAN BANDAR, PERUMAHAN DAN  
KERAJAAN TEMPATAN menyatakan apakah langkah yang diambil  
oleh Kementerian dalam meningkatkan penyediaan perumahan kos  
rendah dan sederhana**

Jawapan :-

Tuan Yang DiPertua,

Untuk makluman Ahli Yang Berhormat juga, Kementerian Kesejahteraan Bandar, Perumahan dan Kerajaan Tempatan (KPKT) melalui Jabatan Perumahan Negara (JPN) turut memperkenalkan pelbagai program perumahan terutamanya rumah kos rendah dan sederhana kepada rakyat dalam usaha Kerajaan bagi meningkatkan penyediaan rumah di pasaran antaranya melalui program :-

#### **A) PROGRAM DI BAWAH JPN**

##### **i) Program Perumahan Rakyat (PPR)**

BIL	KATEGORI PPR	KADAR SEWAAN/JUALAN
1	PPR Disewa	<b>KADAR SEWAAN</b> - RM124.00 sebulan
2	PPR Dimiliki (Dijual)	<b>KADAR JUALAN</b> - Semenanjung Malaysia (RM 35,000 seunit) - Sabah dan Sarawak (RM42,000 seunit)

**ii) Rumah Transit 1 Malaysia (RT1M)**

Menyediakan kemudahan sewaan rumah kepada golongan belia berpendapatan isi rumah di bawah RM3,000.00 pada kadar RM250.00 sebulan selama 2 tahun.

**iii) Skim Pinjaman Perumahan (SPP)**

SPP menawarkan Pinjaman Perumahan sehingga RM60,000.00 bagi membina rumah di atas tanah sendiri atau tanah ahli keluarga terdekat dengan caj perkhidmatan hanya 2% sahaja.

Untuk makluman Ahli Yang Berhormat juga, antara program perumahan rumah kos rendah dan sederhana yang turut diperkenalkan oleh Kerajaan melalui agensi lain adalah :-

**B) PROGRAM DI BAWAH SYARIKAT PERUMAHAN NEGARA BERHAD (SPNB)****i) Program Perumahan di bawah SPNB****• Rumah Mesra Rakyat 1 Malaysia (RMR1M).**

RMR1M membantu golongan berpendapatan rendah seperti nelayan, petani dan keluarga miskin yang tidak

mempunyai rumah atau tinggal di rumah usang (daif) tetapi mempunyai tanah untuk membina rumah sendiri yang sempurna dan selesa.

- **Rumah Mesra Rakyat Plus (RMR Plus).**

RMR Plus adalah satu model perniagaan baru yang mengambil konsep asas RMR1M namun dikhususkan kepada golongan yang mempunyai tanah sendiri tetapi tidak memenuhi kriteria minimum permohonan RMR1M.

Kementerian Kesejahteraan Bandar,  
Perumahan dan Kerajaan Tempatan

Oktober 2017

**SOALAN ( 29 )****PEMBERITAHUAN PERTANYAAN  
DEWAN RAKYAT, PARLIMEN MALAYSIA**

PERTANYAAN : LISAN

TARIKH : 31 OKTOBER 2017  
[ SELASA ]

DARIPADA : YB TUAN WONG CHEN  
[ KELANA JAYA ]

SOALAN :

**YB TUAN WONG CHEN [ KELANA JAYA ]** minta **PERDANA MENTERI** menyatakan berikutanggaran kos projek ECRL dijangka meningkat kepada RM70 bilion :-

- (a) adakah Kerajaan akan menerbitkan kesemua perjanjian dan kajian kebolehlaksanaan yang berkaitan; dan
- (b) jika tidak, keengganannya untuk berbuat demikian.

**JAWAPAN :-**

Tuan Yang di-Pertua,

Untuk makluman Ahli Yang Berhormat, projek Laluan Rel Pantai Timur (ECRL) adalah projek *game changer* yang bermanfaat bagi merealisasikan aspirasi negara untuk merangsang pembangunan dan ekonomi negara, khususnya bagi kawasan Pantai Timur Semenanjung serta sekaligus meletakkan kedudukan sektor pengangkutan awam di Malaysia pada tahap yang lebih efisien.

Sepertimana Ahli Yang Berhormat sedia maklum, Kerajaan Malaysia dan Republik Rakyat China telah bersetuju melalui rundingan yang telah diadakan pada Oktober 2016 untuk melaksanakan projek ECRL ini sebagai satu inisiatif projek *Government-to-Government* (G2G) di antara kedua-dua Kerajaan. Atas persetujuan bersama ini Kerajaan China telah mengemukakan tawaran pakej kewangan yang menarik dan memberi kelebihan kepada Malaysia.

Selain itu, bagi sebarang projek infrastruktur seperti rel, kajian kebolehlaksanaan akan dijalankan bagi membolehkan Kerajaan

membuat keputusan yang tepat dan *value for money*. Ini bagi memastikan rakyat dan negara memperolehi manfaat yang maksima daripada pelaksanaan projek ini. Hasil daripada kajian tersebut akan dimaklumkan kepada umum berdasarkan kepada keperluan dan menerusi saluran yang telah ditetapkan mengikut kehendak peruntukan undang-undang yang berkuatkuasa, contohnya Akta Pengangkutan Awam Darat 2010.

Sekian, terima kasih.

31 Oktober 2017

**SIDANG DEWAN RAKYAT  
MESYUARAT KETIGA, PENGGAL KELIMA  
PARLIMEN KETIGA BELAS (2017)**

---

**PERTANYAAN : LISAN**  
**DARIPADA : YB TAN SRI DR. MUHAMMAD LEO**  
**MICHAEL TOYAD ABDULLAH [MUKAH]**  
**TARIKH : 31 OKTOBER 2017 [SELASA]**  
**SOALAN : 30**

minta **MENTERI SAINS, TEKNOLOGI DAN INOVASI** menyatakan sejauh manakah penggunaan Teknologi Radio Frequency Identification (RFID) dapat memastikan tahap keselamatan bayi di wad hospital Kerajaan serta apakah jaminan Kerajaan supaya kesemua hospital Kerajaan akan mengguna pakai sistem keselamatan ini menjelang 2020.

**JAWAPAN:**

**Tuan Yang di-Pertua,**

Untuk makluman Ahli Yang Berhormat, Teknologi *Radio Frequency Identification* (RFID) telah digunakan secara meluas di sektor angkasa bagi pengurusan inventori dan juga penentududukan perkakasan tertentu. Sehubungan itu, Kementerian Sains, Teknologi dan Inovasi (MOSTI) melalui Agensi Angkasa Negara (ANGKASA) telah menjalankan penyelidikan bagi memperluaskan lagi penggunaan teknologi RFID dan usaha ini telah menghasilkan peranti keselamatan yang dikenali sebagai B-Tag&Track yang menggunakan teknologi RFID.

Peranti keselamatan B-Tag&Track ini dihasilkan untuk kegunaan kaum ibu dan bayi yang baharu dilahirkan di hospital di mana ia mampu memantau dan mengesan kesemua aktiviti pergerakan bayi dan ibu bermula daripada bilik bersalin, wad bersalin sehingga pintu masuk/keluar utama wad bersalin yang dikawal oleh pengawal keselamatan. Ciri-ciri keselamatan ini dapat mengelakkan insiden tertukar bayi dan kecurian bayi daripada berlaku. Gelang keselamatan (tag) dipakaikan kepada ibu dan bayi serta dipasangkan pada katil bayi. Sekiranya ia dibuka atau dipotong maka penggera akan berbunyi. Sistem ini juga dapat mengesan jika tag selain yang dipakai oleh ibunya menghampiri bayi tersebut.

Gelang keselamatan ini juga mempunyai ciri yang unik di mana isyarat radio frekuensi pada RFID tag tersebut sentiasa dapat dipancarkan kepada peranti-peranti penerima (*RFID receiver*) yang dipasang di dalam wad bersalin tersebut dan menggunakan pemancaran melalui isyarat rangkaian komunikasi dalaman (*intranet*). Selain itu, satu alat pengesan diletakkan berhampiran pintu keluar wad (*door mount exciter, DMR*) yang boleh mengesan tag pada bayi dan katil bayi jika dibawa keluar melepas wad bersalin.

Untuk makluman Ahli-ahli Yang Berhormat, Sistem B-Tag&Track telah memperoleh kelulusan daripada Jawatankuasa Etika Penyelidikan dan Perubatan, Kementerian Kesihatan Malaysia sebelum diimplementasikan agar keperluan dan regulasi dari segi aspek keselamatan kepada pengguna dipatuhi.

Sebagai permulaan, Hospital Banting dipilih sebagai hospital awam pertama yang menjadi perintis bagi mengaplikasikan sistem B-Tag&Track

untuk tempoh setahun. Sepanjang tempoh tersebut, pihak Kementerian akan memantau dan menilai keberkesanan serta impak hasil pelaksanaan sistem ini. Sekiranya didapati berkesan dan memberi impak yang positif, sistem ini berpotensi untuk diperluaskan penggunaannya ke hospital awam yang lain.

**Tuan Yang di-Pertua,**

Projek sebegini merupakan salah satu contoh komitmen berterusan MOSTI untuk merakyatkan Sains, Teknologi dan Inovasi (STI) bagi manfaat orang ramai. Dengan adanya sistem ini, diharap ia akan membantu meningkatkan keyakinan rakyat terhadap tahap perkhidmatan keishatan yang telah disediakan oleh hospital Kerajaan apabila penggunaannya diperluaskan kelak.

Sekian, terima kasih.